



Նոր տարին մանուկների սիրված և սպասված տոն է: Դեկտեմբերի 27-ին տոնական տրամադրություն էր տիրում Բյուրեղավանի մանկապարտեզում: Ամանորյա դիմակահանդեսին մասնակցում էին մանկապարտեզի բոլոր խմբերի երեխաները: Միջոցառում լի էր անակնկալներով՝ փոքրիկները ներկայացան հեքիաթների, մուլտսերիալների հերոսների կերպարանքով ու ամանորյա մաղթանքներով: Ամանորյա հանդեսին հյուր էր Բյուրեղավանի քաղաքապետ Հակոբ Բալասյանը: Դահլիճը լցված էր խինդով ու բարությամբ, շուրջ բոլորը վերածվել էր անկրկնելի հեքիաթի, որը գերում էր ոչ միայն փոքրիկներին, այլև մեծերին: Երեխաների բարձր տրամադրությունը փոխանցվել էր քաղաքապետին, ով ողջունեց փոքրիկներին և հղեց իր բարեմաղթանքները. « Սիրելի մանուկներ՝ 2014 թ-ին ցանկանում եմ, որ բոլորիտ ընտանիքներում թևածի խաղաղությունը: Ցանկանում եմ առողջություն, երջանկություն և անհոգ մանկություն»: Քաղաքապետը շնորհակալություն հայտնեց նաև մանկապարտեզի տնօրեն՝ Էլինա Հայրապետյանին և կոլեկտիվին, այսպիսի հրաշալի հանդես կազմակերպելու համար: Երեխաների ուրախությունը կրկնապատկեց. երբ դահլիճ մտավ սիրելի Ձմեռ պապն ու Ձյունանուշը, խաղալիքների ու քաղցրավենիքի մեծ պարկով: Մանկապարտեզի 128 սաներ՝ քաղաքապետարանի հանձինս քաղաքապետ Հ.Բալասյանի, ԱԺ պատգամավոր Մ.Գուլոյանի և «Հրատ» ՍՊԸ-ի տնօրեն Համազասպ Սարգսյանի կողմից ստացան նվերներ:

28.12.13.